

DEO OPTIMO MAX. 99

UNI ET TRINO,

VIRGINI DEI - PARÆ, ET S. LUCÆ
Orthodoxorum Medicorum Patrono.

QUÆSTIO MEDICA,

QUOD LIBETARIIS DISPUTATIONIBUS

manē discutienda in Scholis Medicorum, die Jovis decimā mensis

Februarii, anno Domini M. DCC. LII.

M. EMMANUELE - MAURITIO DUVERNEY,

olim Anatomæ & Chirurgiæ in Horto Regio Professore,

Doctore Medico, Theses Authore, Præsidē.

An multis in morbis elucescat corporis Mechanismus?

I.



NIHIL magis opificis sapientiam & industriam probat, quàm si opus suum ad propositum finem optimè compararit. Illud verò in humano corpore mirè elucescit, cujus artificium eò præcipuè spectat, ut in suâ crasi & texturâ, quamvis alloquin corruptioni valdè obnoxium, perduret & conservetur. Non malè machinam quamdam dixeris, ad motus ususque speciales incredibili arte fabricatam, quæ juxtâ leges & consilia summi Opificis accuratâ proportionē, servatis gradibus, distinctoque temporum ordine in naturalibus actibus procedit. Non absimile exemplum, rude tamen, in vulgaribus machinis habemus. Hæ motibus ad certum finem tendentibus instructæ sunt, quorum ratio, quantitas, determinationes à peculiari ipsarum fabricâ pendent, quod Mechanismus vocant. Sic in corpore vigenti & sano adest motuum organicorum symmetria & harmonia, undè sequitur sanguinis & humorum circuitus æquabilitas, à debito fibrarum pulsu ac tono, & fluidorum quantitate, temperie, ac proportionē dependens. In variis autem animantibus variam organorum fabricam, & diversam liquidorum indolem mireris, nempe pro finis ad quem condita sunt, & usum quibus inservire debent diversitate. Ad hunc circuitum in corpore nostro sustinendum conspirant omnium partium structura, situs, connexio. Ex earum dispositione & mutuo consensu fluunt naturales animalesque functiones. Scilicet idonea conficiendo sanguini materia præparatur, dein sanguis ex eâ elicitur. Hic motu tum progressivo, tum intestino teritur, attenuatur, commiscetur intus; ab omnibus expurgatus sordibus nutritioni partium inservire habilis evadit. Ex tenuissimis particulis liquidum illud subtilissimum subministrat, quo sensuum & motuum organa vigent. Quamdiu ergò sanguis purus & integer liberè corpus permeat, ac per vasa, nullo obstante impedimento, circuit, arcetur tum ipsius, tum manantium ex eo liquidorum inspissatio, stagnationes præcaventur, ritè peraguntur secretiones, sic nullus linquitur liquidorum depravationi locus, & servato ea inter & solidas partes æquilibrio, stat rythmus omnium functionum concentusque. His ita se habentibus corpus sanum meritò nuncupatur. Notanda etiam particularis motus sanguinis in diversis partibus variatio. Hanc faciliè intelliges si modò æqualem, modò inæqualem impulsione in certas partes, per eas propulsione, & ex iis denique expulsione vim observes. Vis illa in immensum mutari potest. Id non solum deducas à tubulorum capa-

A

citate inæquali, variisque eorum superficiebus, directionibus, proportionibus, complicationibus. Ad diversam partium circumjacentium pressionem, & textus vasorum contrahilis astrictionem aut relaxationem attende. Ipsam quoque liquorum ulteriores ac temperiem seu vividam seu segnem reputa, undè solidorum elater vel excitatur vel remittitur. Ex tot causarum actione multiplici, & vario concursu sequuntur multæ varietates. Sanguis è majoribus canalibus in plures minores ingrediens ibi ob multiplicatas superficies plus resistentiæ nanciscitur & contra. In obliquitatibus, curvaturis, ulteriorem particularum suarum divisionem patitur. Præterea in variis locis, ut visceribus, glandulis, ratione quâdam peculiari, nimirum diametro vasorum, & partis quam allicui singulari fabricæ, præsertim autem tono, consentaneâ progreditur. Hujus præsertim ratione modò plus, modò minus in hac vel illâ parte premitur, exprimitur à quibusdam, ad alias majori vel minori quantitate aut impetu appellit. In his plus minus moratur. Variis denique modis urgetur, aut reprimitur. Indè secretionum quarundam major aut minor quantitas, celeritas. His positis deducetur faciliùs variorum morborum ætiologia. Insuper sensationes ad hoc homini datæ, ut quid salubre quid noxium sit compendariâ viâ intelligat. Sic famem quâ ad capiendos cibos, sitim quâ ad potulenta assumenda impellimur, morbos quotidianos dixeris at necessarios, imò certos remedii indices. His salubri incommodo urgentibus monemur ea quæ decet ad reparandam sive solidarum, sive fluidarum partium jacturam prosequi. Cave autem ne pro naturali sensatione habeas quod aliundè accessit, sive ex imaginationis aut ipsiusmet organi vitio, sive etiam, ut sæpe fit, ex voluptatis nimia cupiditate. Adde quod experimur sapissimè, nimirum unâ parte laborante trahi subitò in consensum vicinas, undè multoties mechanicum & naturale paratur remedii genus. Paucis id selectisque ex magnâ multitudine exemplis innotesceat. Præsto est gravato ventriculo, & se aliquali fibrarum suarum motu expedire nitenti, diaphragma succussibus opportunis per superiora noxiam farcinam ejectans unâ cum musculis abdominis consentitibus; vel deorsum subito conatu prorumpens subjecta viscera validè premit, violento ictu, quantum licet, si quid ea molestat exturbare conans. Auxiliares etiam musculorum abdominis in partu & in excrementorum ejectione conatus valdè utiles. Nec minùs insignes partium mutuam sibi operam præstantium in sternutatione & tussi motus. Nempe cavitas abdominis subitâ ipsius musculorum contractione coarctatur, undè etiam sursum repellitur diaphragma. Sic pectus simul comprimentibus musculus expirationi inservientibus valdè angustatur. Pressis ergò undecumque pulmonibus aer fortè exploditur impetu. Si nasi interiora humore quopiam vellicentur, per ea præcluso oris aditu protrudetur aer, & venti vehementis more pertransiens, ea verret & expurgabit. Quæris quâ mechanicâ id fiat? Septum quod palati partem posteriorem occupat linguæ radici admovetur, sic laryngis cum ore commercium prohibet. Sin autem oris cavitas, aut palatum, aut faucium pars ima abstergi opus habent, id etiam efficit aer per illas artes erumpere coactus, dum idem palati velum attollitur, & occludit accuratè, nasi ductuum foramina, quæ in imam partem faucium desinunt & referantur.

I I.

LICET corpus nostrum optimè sit à supremo contextum artifice, eâ tamen lege vivimus ut propriis malis & alienâ experientiâ edocti, morborum mortisque nos vestigales sentiamus. Ad illa attendenti naturalis affulget de tot ac tantarum miseriarum origine idea. Hanc firmat Religio, hominis nempe labem assignat quâ inter alias clades fluxit pathematum animi incredibilis quâdam & vix ratione compefcenda rebellio. Huic morborum iliadem adscribas Quantas enim strages edunt non refrænata pathemata! Habent tamen, saltem plurima, si intra legitimos fines contineantur, tum ad ipsius corporis conservationem, tum ad societatis vinculum, suas à summè provido Creatore destinatas utilitates. Jam ipsis quibus reparatur alimentis corpus ad corruptionem & putredinem disponitur. In fermentationem proclivis sunt. Multas sordes relinquunt in corpore. Hoc ex alvinis sæcibus aliisque excrementis patet; videmus autem possè obitum sanguinem & humores, imò totum corpus solis ossibus exceptis, brevi temporis spatio putrescere. Excrementorum separatio, & ad certum tempus intra corpus retentio suo quidem more sanitati

Conducit, atque etiam necessaria est. Tamen facili morbis anſam præbet. Sæpe enim morantur diutius, vel juſtâ proportionem non ſeparantur, ex quo ſequuntur multæ affectiones. Hæc inter alias maximè de cauſâ dicas nos interna morborum ſemina perpetuò fore. Neque præterea mirum ſi machina tot conſtata tubulis, tot irrigata fluentibus, tot motibus diverſis iſſue in unum conſpirantibus, exercita, infinitis propè modis lædatur ac tandem aliquando concidat & diſrumpatur. Modò adaugetur nimis ſolidorum elater, & contenta fluida pellit vehementius, modò debilitatur, & plus æquo remiſſus minus verberat quàm par eſt. Sape etiam inſuſcitatis & à naturali ordine alienis moribus rapiuntur. Quin etiam liquores varia ſolent concipere vitia, ſanguis maximè. Vel enim compage principiiorum ſolutâ malè coherens, vel ipſorum moleculæ craſſitiæ & ſpiſſitudine excedunt, vel craſſi & indole mutata aciores evadunt. Inſuper actione mutuâ & reciproca ex ſolidorum animalis pervertuntur fluida, ex depravatione fluidorum ſolida perturbantur. Sic affecto quacunque de cauſâ utrolibet genere (quot autem cauſæ tum ab aſſumptis, tum ab animi pathematis, tum ab externis corporibus inſeſtant!) peſſum datur partium ſymmetria, turbatur ſanguinis circuitus, ſecretiones vitiantur, functiones labefactantur, hinc morbus. Non tamen idèò deſperandum. Cum motuum naturalium directiones, modos, gradus, tempora mutari vides, cogita liquores ab indole ſua deſciſſiſſe, natives ſolidorum oſcillationes perturbatas intellige, latentemque peſtem ſubodorare. Ad eam depellendam idonei ut plurimum inſtituuntur motus, machinâ ipſâ ſibi quantum poſſeſt organorum ſuorum viribus præſens auxilium ferente. Sic inter ea quæ perniciem corpori inferre aut minari videntur, ſalubria naturæ conamina ſæpè ſæpius deprehendas. Mirabilem ſanè organiſmi effectum qui etſi in nonnullis caſibus obſcuro ſit nec ſatis obviuſ, in aliis ſopituſ aut penitus extinctuſ videatur, in quibuſdam conſpicuuſ eſt & evidens, iis præſertim qui genium morborum & naturæ in his niſuſ ac molimina perſpexere.

I I I.

QUOD de morbo generatim dixit Sydenhamiuſ eum eſſe conamen naturæ exterminætionem materiæ morbiſicæ molientis, de multis revera morbis affirmari poſeſt. Exemplum à febre deſumamus, morbo frequentiſſimo, qui non rarò præſidio eſt. In eâ augetur motuſ ſanguinis tum progreſſivus tum inteſtinuſ. Spasmo qui plerumque febrilis motuſ initia occupat anguſtantur primùm vaſorum diametri, dein per eas increſcente cordis pulſu & ingeminatiſ arteriarum vibrationibuſ, valido abreptuſ impetu dividitur ſanguis, attenuatur. Quin etiam ſæpiſſimè auctâ ſimul ipſiuſ partium fermentatione faciiliuſ eluuntur & diſſolvuntur viſcida, tolluntur obſtructioneſ, inſenſi demum humoreſ ad exitum parantur, & per emunctoria denique ejiuntur. Sic febris liquoreſ ſubigit, eorum moram vincit, circuluſ promovet, quod noxiuſ eſt expellit, & ſecretioneſ alioquin perituras reſtaurat. Ephemeraſ beneficio coqui humoreſ, ſanguinem expurgari, heterogenea ſubigi ac per urinaſ aut ſudoreſ expelli ſerè omneſ experiuntur. In ſynochiſ quibuſdam plethora imminuitur, ſanguis atteritur. Quam fluxiliſ ex hiſ febribuſ evadât monſtrant ſudoreſ critici. Plethoram verò indicant nariuſ hæmorrhagiæ quarto vel ſeptimo die contingenteſ, quæ eſt criſiſ ſpecies in junioribuſ frequentior. Hæret in primis viiſ aliſſiſ abdominiſ viſceribuſ viſcoſa materia? Tertianaſ aut quartanaſ auxilio diſſolvetur, incidetur. Quidam ſuſpiciantur in utrâque ſanguinem aſtricto corporiſ habitu ad interiora repreſſuſ, ex morâ & congeſtione ſeruſ ſuppeditare, quod viſcida illi materiæ eluendâ inſerviat, unde etiam friguſ quartanariuſ longiuſ ob majorem humoris tenacitateſ. Furit biliſ in inteſtiniſ? Ipſâ vellicatione ac fermentatione, humoruſ, lymphæ præſertim, aſſuſioneſ provocat, ut materia illa noxia temperetur, eluatur, & per varioſ viſceruſ motuſ exprimat, ut contingit in biliſoſiſ febribuſ cum ſineſ ſuū natura aſſequitur. Quàm neceſſaria ſit matura humoris evacuatio ex indole ipſuſ patet, ardoreſ enim atque etiam excoriationeſ inſigneſ tum in faucibuſ ab huiuſ generiſ vomitu, tum in inteſtino recto ab ejuſmodi diarrhæiſ eveniunt. Ubi lymphæ acriſ & ad ſtagnationeſ prona partiſ alicujuſ eroſioneſ minatur, videat febreſ catharrhaleſ dictaſ excitari, quæ leni & lentâ commotione, ac regulari, lympham attenuant, quapropter ſeroſaſ parteſ per diaphoreſim paulatim extrudentur. Sic ab-

4
 Tersâ & dissipatâ materiâ prævertitur saniosa & ichorosa ulceratio brevi sphacelosa putredine excipienda. Sunt etiam qui opinentur febrem hecticam quæ ut ex scirrho ita & ulcere visceris cuiuspiam oritur, assiduâ longaque, & moderatâ eadem sanguinis agitatione ad abstergendam mali labem, ad ea quæ exacerbant dissipanda & educenda conferre. Sic corruptionem imminuent quâ licet arceri & summoveri dicunt. Jam in exanthematicis febribus, putâ petechialibus, purpuratis & similibus, huc spectat motus sanguinis intensior ut à centro ad peripheriam humor peccans propellatur. In his cæterisque morbis ubi humor ad cutem vergit, repercutientia ministrare artis & artificis esset dedecus. Quæ verò humoris partem distrahere & aliud ducere valent, nonnisi cum summâ prudentiâ adhibenda sunt. Notandæ imprimis variolæ, morbillis longe graviores. In utroque morbo inflammatio, in illo magis spectabilis. Per duos tres-ve priores dies, quod est separationis materiæ tempus, particulæ inflammatæ digeruntur coquanturque, nimirum plerumque febris ope, quæ tunc præcipuè dominatur. Illæ deinde particulæ in habitum corporis ablegantur, ubi eas maturari necesse est, quod ut fiat febris auxilio opus est, quæ puri conficiendo inservit, per exiguos cutis abscessus erupturo. Multùm in hoc morbo natura potest, quæ sibi permissa sæpè negotium suum suo tempore exequitur, materiamque debito ordine ac viâ fecerit, tum etiam expellit, ut (in junioribus præsertim vegetisque temperamentis) nostrâ ope nostris artificibus atque auxiliis non indigeat, suis viribus optime instructa, suis opibus locuples suo denique ingenio satis edocta, ut Medici in cognitione variolarum versatissimi verbis utar. Non autem debet nisi sensim lentoque gradu fieri separatio ut opportuniùs ad universalem quamdam deveniat despumationem. Nec nimium assurgat nec intempestivè minuat ebullitio. Cum autem morbus ad alteram periodum pervenit, hoc est expulsionis tempus, moderatus calor decet, mediumque quoddam inter extrema ut priori tempore tenendum est. Frigus quidem pustularum eruptioni prorsus nocet. Nec verò minus noceat calor nimis variis modis expulsiōi inchoatæ insensus. Habes in variolis conspicuam inflammationis speciem, quæ tunc in papillis cutis sedem habet. Hujus generalem theoriam desideras? Finge animo sanguinem ad partem affectam propulsum uberius, ut stagnantis portionis putredo præcaveatur. Nempe cruor arteriosus in minimis moratus canalibus, putâ reticularibus arteriarum ramusculis, vel lymphaticorum arteriosorum initiis, à fortiori reliqui cruoris motu atteritur. A sanguine tum hærente tum copiosis affluente tumor. Calor ab agitatæ quaquaversum hujusce particulis. Hic pro sua fluxilitate etiam minutissima vasa subire aptus est. Inde rubor exquisitus ei planè similis quem arte factæ injectiones exhibent, eæ scilicet in quibus liquor ad ultimos usque vasorum fines, non exceptis lymphaticis arteriosis, se insinuavit. Cum autem sic per fibras tensas adeoque sensu exquisito donatas trajiciatur sanguis, dolor inde vehementer sequatur necesse est. Hic à feriente continuo arteriarum pulsû auctur, acuitur, & pulsatorius redditur. Præensione enim vel leves divulsionēs concussionum ingentium vim habent. Sic coagulatus sanguis paulatim resolvitur, eluitur quod corruptum est, & à cruore præterlabente penitus abripitur discutiturque. Ablatis tenuioribus & acrioribus particulis, quæ crassior sanguinis portio supererit, sed attrita & subacta tandem in pus convertetur. Etsi autem nulla sit inflammatio in quâ sanguinis motus intensior quamdam febris speciem non exhibeat, hæc verò multò insigniùs & validius se exerit, si sanguinis stasis in interioribus partibus sive visceribus contingat. Tunc enim majori motuum apparatu opus est, undè graviora symptomata. Ita discutiendæ stasi sanguinis in hepate, in splene, in pleura, in pulmonibus, in cerebri meningibus & aliis locis aptæ sunt & utiles inflammatoriæ febres, ex variis partibus, quarum occasione nascuntur, nomina singularia mutuat. Quò majus autem periculum, eò vehementiores motus ut in febribus pestilentibus atque ipsâ peste, animad-vertas.

I V.

MAGIS ac magis elucescet corporis mechanismus, si febrium quas in exemplum attulimus naturæ & effectibus periodorum atque etiam crissum accuratior notitiâ subjungatur. Periodi nomine venit circuitus sive ambitus quidam quo temporis portio aut

res quæpiam circumſcribitur, ita ut ab antecedentibus & conſequentibus diſtinguatur. Sic periodus in febribus vocatur tota illa duratio quæ univerſam febrem ab initio ad finem uſque, & ipſos aded paroxyſmos comprehendit, cujuſmodi eſt in acutis duratio per ſeptenos, etiam ſecundâ & tertîâ quoque vice repetitos dies; nec verò univerſus ille tantum ambitus ſeu duratio, ſed etiam ipſi paroxyſmi quos breves periodos vocare liceat, definita tempora obſervant. Quid enim aliud ſunt paroxyſmi niſi ſtatæ commotiones modò quotidie, modò interpoſitis diebus ſe ſubſequentes? Porro conſtat illos iſdem horis aut ſaltem quàm proximè ad eandem citiùs aut tardiùs, pro variâ ægrotantium naturâ aut diverſâ anni tempeſtate recurrere; eſſi eorum vehementia remittat vel duratio brevietur. Tam regulares, tam ordinatas motuum ſeries à mechanicis legibus pendere manifèſtum eſt. Nimirum in Phyiſicis ut effectus quidam producatur, certa cauſa agentis deſideratur viſ ac proportio, & determinato motuum numero opus eſt ac proindè definito tempore quo motus illi abſolvantur. Sic in inflammationibus ut certa ſanguinis qui in vaſis ſtagnat portio diſſolvatur, eluatur, potentia certa & motuum quantitas neceſſaria eſt, quibus ſanguis ad affectam partem impuſſus eam liberet & ab obſtructione vindict. Demonſtrat autem experientia ſeptem diebus hoc plerumque peragi ope illorum ſanguinis circuituum qui per hoc tempus fiunt. Hinc ſeptimo die acutæ & inflammatoriæ febres ſolvi conſuevère. In variolis, morbillis, petechiis, purpurâ ut materia acris cauſtica aliarum partium quas ſanguis ſuppeditat admiſſione temperetur, & ſic ad ſecretionem & per habitum corporis excretionem reddatur idonea, certum temporis ſpatium deſideratur, quod ſeparationis tempus nuncupari jam diximus, ſcilicet tres circiter dies. His elapſis materia peccans ab internis ad exteriora progreditur. Eſt etiam ſua puſtularum maturationi, de quâ jam egimus, definita periodus. Idem dicas de miaſmate peſtilenti febriumve contagioſarum materiâ, cujus correſctio & evacuatio temporis menſuram & motuum quantitatem ſufficientem poſtulat. Inſignia verò morborum periodicorum exempla habemus in hæmorrhagiâ de quâ dicemus infra, in arthritide, & aliis. Poſteſt autem illud in univerſum de ejuſmodi morbis animadverti, mechanicas humorum commotiones, quæ iis affectibus provocandis ſunt idoneæ, tum præcipuè vim ſuam exerere cùm in ſtata periodorum incidunt tempora; exempli cauſâ hæmorrhagia periodica conſuetu tempore ex leviori cauſâ faciùs quam extrâ illud à violentiori excitabitur. Magnam cum periodis affinitatem habet criſium theoria; ſi enima ſtati ſint morborum decuſus, cur non & ſolutiones? nempè cùm vitioſus humor ita alterari nequit, ut cum reliquis jungi denuò & ſociari poſſit, eum expelli neceſſe eſt. Tunc variis præparatur moribus ut ſine noxâ per criſim, vel lentiùs, quod per lyſim dicunt, foràs amandetur. Sic præparatum humorem à naturâ evictum dicit coctumque vocat Hippocrates. Criſis ergò quæ quidem morbi judicationem quamlibet generatim ſumpta ſignificat, ſtrictè accepta pro felici morbi ſolutione habetur. Eſt autem evacuatio ſufficiens & legitimo tempore contingens peccantis materiæ, quæ cocta, id eſt ad exitum antèa ritè præparata fuit. Hæc evacuatio per certa corporis emunctoria peragitur. Solemnis viæ ſunt per ſudores, alvum, urinam, ſputum, hæmorrhagiam, abſceſſum. Suis quæque ſpecies dignoſcitur & prænuntiatur ſignis. Hæc, inquires, quoad Hippocratis regionem & ætatem valeant, nunc obſolevère. Reſponſum habe è Baglivio, qui criſim infrequentiam & mali ſuccèſſus cauſam ex eo deducit quod humores per diverſas remedium ſeditiones diſtracti non poſſint ad criticæ deſpumationis negotium ſtato tempore diſponi. At verò etiamnunc ſpecimina habemus ſpontanearum evacuationum, quæ ſtatis contingunt temporibus, & corpori levando inſerviunt. In pleriſque morborum acutorum in quibus liquorum inſignis eſt fermentatio, certis diebus paroxyſmi inſtituuntur, hos verò ſequuntur quædam evacuationes. In tertianis intermittentibus & continuis febribus quæ paroxyſmis exacerbantur diebus imparibus id contingere videas, quibus violentiores motus & graviora ſunt ſymptomata. Scilicet primo die ſanguis minori motu concitatur, ac proindè febris mitior. At increſcit die tertio, & ſub paroxyſmi finem fit evacuatio quæ ſæpè in quarti initium incidit. Quòd ſi violentior ſit quinto die paroxyſmus, ipſo illo die fieri ſolet evacuatio. In utroque autem febrium genere criſis

sæpè nonnisi septimo die evenit, quia tunc major sanguinis agitatio, undè gravior paroxysmus. Prægressis enim fermentationibus principia sanguinis multùm evoluta fuere, ideò evacuatione quæ paroxysmum illum excipit commode abigitur quicquid in sanguine impurum est.

V.

LONGIUS esset morbos omnes qui Mechanismum corporis arguunt recensere, eorumque historiam & naturam persequi. Quot enim morbos, atque adeò symptomata reperias, tuendo vel restituendo corpori idonea! utrumque præstat hæmorrhagia nunc critica, nunc periodica. Criticam dico eam quæ morbo jam factò superveniens eum sanat. In hoc sensu reponas hæmorrhagias in plurimis febribus ac inflammationibus contingentes, cujusmodi ea quam superius in synochâ febre observavimus, aut quæ in hepatitide vel splenitide ante quartum diem accidit, atque etiam hæmorrhoides in pleuritide & nephritide initio morbi largè fluentes. Periodicam voca eam hæmorrhagiæ speciem quæ statis temporum intervallis recurrit, & quæ potissimum præcavendis plethoræ incommodis, & vindicandis ab obstructione partibus inservit. Frequens est viris vel singulis mensibus, vel post aliquot heddomasas mensesve repetens hæmorrhoidum fluxus. Ejus generis hæmorrhagiis ut plurimum sanguinis quantitate excedens evacuat, juvat reliqui progressivus motus. Mechanici sunt effectus, quorum ope certa sanguinis quantitas per partem quamdam extruditur; scilicet eò pelletur sanguis exundans, ubi minor est resistentia. Quænam autem partes faciliùs cedent irumpenti quàm quæ raræ & teneræ textura; & in quibus vasa tenuissima undequaque dispersa, nec obvoluta, at in superficie collocata serpunt? id invenias in nasi membranâ interiori, ano, & partibus aliis per quas sanguis excerni solet. Ad eas præterea necessariò dirigetur, si liber ei aditus in qualdam patere destinet, vel ex fibrarum corrugatione, quâ vasa capillaria comprimuntur, stringuntur, complicantur inter se, vel ex aliâ quâvis obstruente causâ. Sic videmus aliquo canali obstructo in cæteros apertos aquam redundare, & per eos fluere vehementiùs, ità ut etiam quandoque eos disrumpat. His adde in quibuscumque corporis locis ascensum cruoris difficiliorem per venas ad perpendiculum dispositas. Dum verò sanguis versùs loca hæmorrhagiis destinata dirigitur, sæpè in vicinis congeritur partibus, non succedente variis de causis ipsius excretionis, ut si spissitudine nimia irretiatur, vel copiâ ipse obruatur suâ, vel obstat angustia vasorum, tardet motus debilitas. Quod si solitæ eruptiones fistantur, incredibile dictum est quot phænomena pariat sanguinis qui excerni deberet coacervatio, qualis verbi gratiâ sit ex suppressâ narium consuetâ hæmorrhagiâ, tum latè circa caput, tum in faucibus ac in ipso quoque pectore. Pulsus circa collum & tempora validior, vasa his locis plus solito conspicua, faciei & tunicæ oculorum adnatæ rubor, internæ quasi cujusdam inflationis in capite sensatio, tensivus, gravativus, ac punctorius dolor, quin etiâ nasi & quandoque vultus erysipelas, parotides, inflammatio tonsillarum, angina, demùm pleuritis, tot ex congesto aliâs per nares erumpere solito sanguine incommoda. Sic qui frequenti venæ sectioni addicti fuere, postea verò eam, vitæ interim genere non mutato, omittunt, in varios incidunt capitis, oculorum, dentium, aurium dolores. Vili sunt præterea quidam in brachio cujus vena quondam peritundi consueverat, symptomata singularia experti. A sanguinis ad exitum non pervenientis congestionibus repetè cephalalgiam sanguineam, quæ narium hæmorrhagiâ solvitur, mala hypochondriaca, atque his affinia, quæ à copiosi & crassioris sanguinis congerie, ejusque inæquali per venam portæ motu nascuntur, & sæpè ex suppressis hæmorrhoidibus orta, certè iis fluentibus evanescunt. Melancholicis autem prodesse hæmorrhoides, easque delirium solvere, & à multis aliis morbis liberare testatur Hippocrates. Hinc etiam jubet diurnas curantem hæmorrhoidas unam fervare, ne in hydropem aut rabem incidat. Enimverò solitum hæmorrhoidum fluxum, etiam si nimius sit, validioribus stypticis & narcoticis sistere periculosæ alex plenum opus est. Sanguinis copiam & imperpetua minuere, & determinationem aliquatenus mutare tempestivâ venæ sectione conceditur. Hic quoque præcipuè refrigerantibus, diluentibus, aliisvè alterantibus locus est. Lienosis dysenteriam prodesse affirmat etiam Hippocrates. Ut autem ad febrem redeat

mus, eam ebrietati, apoplexiæ, convulsioni & tetanò mederi affirmat. Juxta eundem hypochondriorum dolorum inflammationis expertem, nempe ab obstructione vel flatu, vel simili causâ productum solvit. Quartana verò melancholiam, lepram, scabiem abigit, epilepsiam antevertit, & sanat. Sic morbus morbum tollit. Idem præstant plurima symptomata. Est enim convulsio quæ febrem solvit eadem die aut alterâ, vel tertiâ. Quæ autem variolarum eruptionem præcedunt convulsiones, nisi vehementiâ & diuturnitate excedant, eam promovent; ab iis enim variolæ postmodum longè tranquillius & securius totum cursum absolunt. Itâ paroxysmos epilepticos in infantibus denticione perfunctis pro instantum variolarum signo habet Sydenhamius. Eas tunc mites esse, ac boni moris, pustulas conspicuæ magnitudinis emitte, nec ferè unquam confluere observat. Quæ autem convulsiones variolis jam prodeuntibus superveniunt, quamvis à materiæ retrocessione sæpè oriuntur, possunt tamen aliquatenus haberi pro naturæ conatibus per ejusmodi successus ad materiæ insensæ excretionem contententis. Ad eam peragendam si minùs valida sit, ut solet, prudentiæ Medici erit roborantibus remediis opportunè & cautè adhibitis suppetias ferre. Pari ratione in epilepsiâ, quæ est summus motuum convulsivorum gradus, imprimis in sympathicâ, laboriosos ad amovendum noxium humorem nissus & conatus naturæ luctantis non ineptè agnoscas. Dolor etiam ad corporis conservationem conferre potest; acerbum quidem symptoma, ad utile, ut quod de morbo certiores nos faciat, & ad eum depellendum naturam provocet. Scilicet fibræ nervæ varii vellicatæ modis violatam partium œconomiam, liquorumve temperiem depravatam significant, nec ullum contra omen funestius quàm ubi malum salubri illo monitore renuntiari desinit, ut in gangrænâ & sphacelo contingit, quæ doloris expertia sunt, licet quæ præcessit inflammatio cum dilaceratio gravissimos intulerit cruciatibus. Dolor ergò legis optimæ & ad prævertendam machinæ ruinam utilissimæ tristis simul & necessaria est conditio. Hujus molestias tolerare decet, non inculcare; & cum corrigere nefas sit, facere patientiâ leviores. Verùm si dolor nimius urgeat, in promptu habes anodyna, præstantissimum, si aptè collocetur, remediî genus, quod dolores compescendo sæpè ipsum morbum cujus occasione nati sunt sanat, aut saltem ejus sanationi dat locum, solidorum ataxias, & humorum motus effectos ad naturalem ordinem blandè & amicè revocans. Sunt præterea dolores quos ex merâ læsionis necessitate contingere non dicas, nec symptomatis annumeres, cum crism prænuunt. Sic in prorrheticis, hypochondrii tensio cum capitis gravitate & surditate, & quæ consequenter fatigant, sanguinis prænuntiant profusionem. Quosdam pro criticis habèas, eos scilicet qui partes ignobiles pervadunt, & exercent diu, maximè si nullis infelicibus stipentur signis, & adhinc cõtionis indicia, unde oriuntur sæpè salubres in extremis partibus tumores. Hinc Hippocrates labores qui fiunt in articulis non inutiles asserit. Optimè ergò, ut Prosper Alpinus notat, dolores pedum, crurum, coxendicum, inguinum diu durantes, nec minùs in brachiis, manibus, & post aures criticè observati; & qui ad crura fiunt abscessus in vehementibus ac periculosos pulmonis omnes utiles sunt. Quantum autem adversus morbos acutos auxilium præstet arthritis, quotidiana probat experientia. Porro multos tumores & abscessus licet criticos appellare, cum & priorem morbum solvant, & symptomata mitigent, hi in morbis chronicis frequentiores. Quid? passim in Hippocrate exempla utilium symptomatum invenias, sic sternutatione singultus, vomitus, & diuturnum alvi profluvium, tremore delirium quandoque solvuntur. Sed modus in vasto ac propè infinito argumento servandus. Jam quævis ætas, quodvis temperamentum ex se ad certos morbos mechanicâ quâdam dispositione propendet. Sui sunt etiam cuique sexui morbi peculiare. Fœmineus imprimis periodicis affectuum variorum præsertim hæmorrhagicorum typis est obnoxius. Si temperamenti ratio habeatur, intelligitur faciliè phlegmaticos affectibus catarrhalibus, febribus biliosis cholicis, plethorâ & inflammationi sanguineos, melancholicos hæmorrhagiis & hypochondriacis malis præcipuè patere. Quod ad ætates spectat, generalis morborum qui in singulos cadunt differentia à parte potissimum affectû desumitur. Nempe in pueris & adolescentibus caput; pectus in juvenibus, sequenti posthac ætate hypochondria, ac doinceps lumbos, os sa-

crum & coxas, pedes denique tentari observantur. De temporibus notant, si constantia sint & anni tempestiva exhibeant, boni moris & judicatu faciles evenire morbos, sin autem inconstantia sint, inconstantes, & qui difficulter judicantur. Priores enim genium suum & naturalem indolem servant, unde consuetis symptomatibus stipantur, sua tempora legitime percurrunt, & criticis diebus usitatis solvuntur. Malè nobiscum actum esset, in tot morborum quibus obsidemur causis, nisi sæpè unius vis alteram extremam temperaret. Rarè autem concurrunt plurimæ morborum causæ, inde fit ut rariùs difficiliorque ægrotemus. Quin etiam tradit Hippocrates in morbis minùs periclitari quorum naturæ, ætati, habitui, & tempori congener est magis morbus; quàm quibus nullà ex parte est consentaneus. Unde autem? nimirum illi morbi minùs à naturæ lineâ recedunt, quippe ex omni parte analogi. Ex iis quæ de variorum morborum naturâ, effectibus, periodis, solutionibus dicta sunt patet humani corporis machinam ita fabricatam esse, ut sibi sæpè ipsa succurrat, se ipsa tueatur. Quâ autem ratione id fiat, quibus legibus quædam partes aliis auxiliuntur, multis in casibus obscurum est. Sic observant pedum frigore alvum pigram solvi, ophthalmiam alvi profluvio sanari, hæmorrhagiam salubrem in hepaticide è nare dextrâ, in splenitide è sinistra fieri. Tales consensus ac veluti sympathias non facillè exponas. Forsan olim novæ circa praxim medicam, sive partium fabricam & æconomiam animalem observationes, rem adhuc densis obsitam tenebris aperient. Interea ad motus illos naturæ quicumque sint, sive evidentiores sive abstrusi, attendere debet Medicus, ut qui naturæ æmulus, adjutor, ministerque sit. Nullum enim plerumque remedium eò convenientius, quod suis indicat natura moliminibus. Intendat igitur animum in distinguendis quæ à morbo sunt commotionibus ab iis quæ propter morbum instituuntur. Neque enim idcirco motum quemdam pro insalubri habeas, quod in statu sano non eveniat. Materia extranea, insolens, sanitati insensa non usitatos motus postulat. Bonum ergò dicas quod ei discutiendæ & ejiciendæ aptum est, & reverâ inservit. Prostat autem sufficiens exemplorum numerus, quibus tales motus seu contamina naturæ comprobentur.

Ergò multis in morbis elucescit corporis mechanismus.

DOMINI DOCTORES DISPUTATURI.

M. Antonius le Camus.

M. Petrus Chevalier.

M. Claudius-Adrianus Helvetius, Regi à sanctioribus Consiliis, Regina Medicus primarius, & Regis Scientiarum Academiæ Socius.

M. Claudius Bourdier de la Moulle,

M. Franciscus Bernard.

M. Jacobus-Benignus Winslow, Censor Regius, Regiæ Scientiarum Academiæ, Regiæque Societatis Londinensis Socius, Teutonice Linguae Regius Interpres, & in Horto Regio-Anatomie ac Chirurgiæ Professor antiquus.

M. Petrus Arcelin.

M. Joannes Le-Thieullier, Chirurgiæ gallico idiomate Professor.

M. Antonius Pepin, Regis Consiliarius, & in Portu Brestensi Medicus Primarius.

Proponebat Parisiis JACOBUS-FRANCISCUS LATIER, Deppæus & saluberrimæ Facultatis Medicinæ Parisiensis Baccalaureus, A. R. S. H. 1752, A SEXTA AD MERIDIEM,